

**Broj: UP1-06-13-1-130-2/24**  
**Mostar, 14.5.2024. godine**

Na osnovu člana 23. stav (1) tačka c) Zakona o električnoj energiji Federacije Bosne i Hercegovine („Službene novine Federacije BiH“, broj 60/23), člana 42. stav (1) tačka a) Pravilnika za izdavanje dozvola („Službene novine Federacije BiH“, broj 2/17, 39/20, 82/21 i 1/23) i člana 9. Pravilnika o regulatornim naknadama („Službene novine Federacije BiH“, broj 94/23 i 30/24), postupajući po Zahtjevu za oduzimanje dozvole za rad broj: UP1-06-13-1-130-1/24 od 19.4.2024. godine, podnosioca zahtjeva d.o.o. „SOLAR GOLD“ Bihać, Hamze Hume bb, Bihać, zastupan po zakonskom zastupniku Mirzeti Isić, u postupku oduzimanja Dozvole za rad za proizvodnju električne energije u mikro-postrojenju OIE broj: UP1-06-13-1-115-1/21, Regulatorna komisija za energiju u Federaciji Bosne i Hercegovine – FERK je 14.5.2024. godine na XII redovnoj sjednici donijela sljedeće

### **RJEŠENJE** **o oduzimanju dozvole**

1. Imaocu dozvole d.o.o. „SOLAR GOLD“ Bihać oduzima se Dozvola za rad za proizvodnju električne energije u mikro-postrojenju OIE broj: UP1-06-13-1-115-1/21, izdata Rješenjem broj: UP1-06-13-1-115-10/21 od 14.12.2021. godine, s periodom važenja od 14.12.2021. godine do 13.12.2033. godine.
2. Imalac dozvole je stekao status kvalifikovanog proizvođača u objektu solarna fotonaponska elektrana „SOLAR GOLD D“ Rješenjem broj: UP1-06-13-1-115-10/21 od 14.12.2021. godine, koji važi od 14.12.2021. godine do 13.12.2033. godine.
3. Imalac dozvole iz tačke 1. ovog rješenja obavezan je platiti regulatornu naknadu za 2024. godinu za period važenja za rad u 2024. godini u iznosu od 36,61 KM.
4. Ovo rješenje je konačno i objavljuje se na službenoj internet stranici FERK-a.
5. Stupanjem na snagu ovog rješenja prestaju važiti tačke 1., 3., 4., 5., 6., 7. i 8. Rješenja broj: UP1-06-13-1-115-10/21 od 14.12.2021. godine, kojim je izdata Dozvola za rad za proizvodnju električne energije u mikro-postrojenju OIE broj: UP1-06-13-1-115-1/21.

### **O b r a z l o ž e n j e**

Dana 19.4.2024. godine FERK je od podnosioca d.o.o. „SOLAR GOLD“ Bihać pod brojem: UP1-06-13-1-130-1/24 primio Zahtjev za oduzimanje dozvole za rad, u postupku oduzimanja Dozvole za rad za proizvodnju električne energije u mikro-postrojenju OIE broj: UP1-06-13-1-115-1/21, budući da istom za obavljanje elektroenergetske djelatnosti proizvodnja električne energije više nije potrebna dozvola u skladu sa Zakonom o električnoj energiji Federacije Bosne i Hercegovine.

Prilikom pregleda potpunosti podnesenog zahtjeva, u skladu sa članom 12. Pravilnika za izdavanje dozvola, FERK je utvrdio da podneseni zahtjev potpun u smislu člana 8. i člana 9. istog Pravilnika.

Člankom 23. stav (1) tačka c) Zakona o električnoj energiji Federacije Bosne i Hercegovine propisano je da FERK može oduzeti dozvolu ukoliko imalac dozvole podnese zahtjev za oduzimanje dozvole, što je propisano i članom 42. stav (1) tačka a) Pravilnika za izdavanje dozvola. Članom 43. ovog pravilnika propisano je da se postupak obnove, izmjene i dopune, oduzimanja i prenosa dozvole, vodi na isti način kao i postupak izdavanja dozvole, ali i da ukoliko su u zahtjevu za pokretanje postupaka navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu

službenih podataka kojima FERK raspolaže, ovi postupci se mogu provesti i donijeti odluka o podnesenom zahtjevu bez održavanja javne rasprave.

U skladu sa članom 17. stav (1) tačka a) Zakona o električnoj energiji Federacije Bosne i Hercegovine elektroenergetski subjekat nije obavezan posjedovati dozvolu za obavljanje elektroenergetске djelatnosti proizvodnje električne energije za proizvodnju električne energije u elektranama instalisane snage do 1 MW.

Na osnovu navedenog, te imajući u vidu kako elektrane podnosioca zahtjeva (solarna fotonaponska elektrana „SOLAR GOLD 1“, solarna fotonaponska elektrana „SOLAR GOLD 2“, solarna fotonaponska elektrana „SOLAR GOLD 3“, solarna fotonaponska elektrana „SOLAR GOLD 4“ solarna fotonaponska elektrana „SOLAR GOLD A“, solarna fotonaponska elektrana „SOLAR GOLD B“, solarna fotonaponska elektrana „SOLAR GOLD C“ i solarna fotonaponska elektrana „SOLAR GOLD D“) imaju ukupnu instalisanu snagu 692,00 kW, FERK je ocijenio kako je opravdano po zahtjevu podnosioca d.o.o. „SOLAR GOLD“ Bihać izvršiti oduzimanje Dozvole za rad za proizvodnju električne energije u mikro-postrojenju OIE broj: UP1-06-13-1-115-1/21, s obzirom da su ispunjeni svi propisani uslovi za oduzimanje dozvole za rad.

Imalac dozvole zadržava i dalje status kvalifikovanog proizvođača u objektu solarna fotonaponska elektrana „SOLAR GOLD D“, koji je stekao Rješenjem broj: UP1-06-13-1-115-10/21 od 14.12.2021. godine, te koji važi od 14.12.2021. godine do 13.12.2033. godine.

Rješenjem FERK-a broj: 08-11-1575-1/23 od 19.12.2023. godine je, između ostalih, i podnosiocu d.o.o. „SOLAR GOLD“ Bihać kao postojećem imaoocu dozvole za obavljanje djelatnosti proizvodnje električne energije u elektranama ukupne instalisane snage do uključivo 1 MW, u tački 295. utvrđen pojedinačni iznos godišnje regulatorne naknade za 2024. godinu u iznosu od 100,00 KM. U skladu sa članom 9. Pravilnika o regulatornim naknadama, imaocima dozvola za obavljanje elektroenergetskih djelatnosti, kojima se vrši oduzimanje dozvole, iznos regulatorne naknade preračunava se pojedinačnim rješenjem u skladu sa periodom važenja dozvole u tekućoj godini, o čemu se imalac dozvole obavještava dostavom obavještenja o obavezi plaćanja. S obzirom na navedeno, regulatorna naknada za 2024. godinu je preračunata i ista sada iznosi 36,61 KM. S obzirom da je imalac dozvole po osnovu regulatorne naknade za 2024. godinu 5.1.2024. godine uplatio iznos od 100,00 KM, imaoocu dozvole izvršit će se povrat više uplaćene regulatorne naknade u iznosu od 63,39 KM, o čemu će se imaoocu dozvole ispostaviti posebno obavještenje.

Na osnovu obrade Zahtjeva za oduzimanje dozvole za rad podnosioca d.o.o. „SOLAR GOLD“ Bihać i dokumentacije priložene uz zahtjev, FERK je u skladu sa član 23. stav (1) tačka c) Zakona o električnoj energiji Federacije Bosne i Hercegovine, odnosno članom 42. stav (1) tačka a) i članom 43. stav (2) Pravilnika za izdavanje dozvola, odlučio kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja može se tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**v.d. PREDSJEDAVALAČEG FERK-a**  
**Jasmin Bešo, s.r.**